

## Ársskýrsla Vísindanefndar Félagsráðgjafafélags Íslands starfsárið 2023-2024

Vísindanefnd skipuðu:

Guðrún Þorgerður Ágústsdóttir, formaður

Hervör Alma Árnadóttir, gjaldkeri

Guðbjörg María Árnadóttir, ritari

Vísindasjóður Félagsráðgjafafélags Íslands var stofnaður árið 1989. Markmið sjóðsins hefur frá upphafi verið að efla rannsóknir félagsmanna og er eitt af hlutverkum nefndarinnar að greiða fyrir og halda lífandi umræðu um rannsóknir innan félagsins.

Vísindasjóður skiptist í tvo hluta, A-hluta og B-hluta.

A-hluti Vísindasjóðs er ætlaður til að standa straum af framhalds- og endurmenntunarkostnaði og ferða- og dvalarkostnaðar vegna námskeiða, ráðstefna og námskeiðsgjalda. Í A-hluta vísindasjóðs renna 90-100% þeirrar upphæðar sem vinnuveitendur greiða í sjóðinn og er sú upphæð greidd út í febrúar ár hvert til þeirra félagsmanna sem aðild eiga að sjóðnum, þ.e. þeirra sem greitt hefur verið fyrir í vísindasjóð. Árlega er 0-10% upphæðarinnar lagðar inná B-hluta sjóðsins en Vísindanefnd ákveður í samráði við stjórn FÍ hverju sinni það hlutfall sem lagt er inn á reikning B-hluta sjóðsins og fer það eftir stöðu sjóðsins hverju sinni. Í ár var greidd út 100% af innkomu ársins 2023 í sjóðinn til félagsmanna sem eiga aðild að sjóðnum, eða rúmlega 52.000.000.-

B-hluti Vísindasjóðs er til að standa straum af kostnaði við rannsóknar- og þróunarverkefni. Hægt er að sækja um styrk í sjóðinn tvisvar á ári, fyrir 15. apríl og 15. október ár hvert. Verkefnin verða að vera á sviði félagsráðgjafar og vera stéttinni til hagsbóta og framdráttar, hvað varðar faglega þekkingu. Sérstakar úthlutunarreglur og umsóknareyðublað gilda fyrir B-hlutann og eru þær að finna á heimasíðu félagsins.

Styrkir úr B-hluta eru greiddir út um leið og búið er að samþykka þá, en formleg afhending þeirra var á félagsráðgjafaþinginu sem haldið er í tengslum við afmæli félagsins og var haldið 23. febrúar sl. Styrkþegum er gert að kynna niðurstöður verkefna sinna á þinginu í formi fyrirlesturs innan tveggja ára frá úthlutun eða í formi greinar í tímariti félagsráðgjafa eða sambærilegu tímariti.

Helstu verkefni Vísindanefndar eru eftirfarandi:

- Gera áætlun um starfsárið.
- Sendu út tilkynningar vegna umsókna í B-hluta sjóðsins.
- Greiða árlega úr A-hluta í febrúar/mars.
- Fara yfir umsóknir í B-hluta og meta. Ákveða hámarksupphæðir til úthlutunar.
- Halda opinn nefndarfund í maí þar sem umsóknareyðublað og umsóknarferli er kynnt.
- Samþykka umsóknir eigi síðar þremur mánuðum eftir umsóknarfrest.
- Halda úthlutunar- og kynningarfund styrktarverkefna í febrúar ár hvert.
- Endurskoða störf, verklag og reglur nefndarinnar.

Vísindanefnd hélt á starfsárinu opinn vinnufund til að rýna úthlutunarreglur. Fundurinn var haldinn í samstarfi við HÍ og var kynning á doktorsnámi og umræður um doktorsnám meðal efnis á fundinum. Fundurinn var haldinn í 3. apríl sl. og voru 12 þátttakendur ýmist rafrænt eða á staðnum.

Vísindanefnd barst ein umsókn um styrk á starfsárinu en voru þrír styrkir veittir.

Þau verkefni sem hlutu styrk árið 2023 voru:

- Ingibjörg Þórðardóttir, 150175-2919, hlaut styrk að upphæð 400.000,- vegna þýðingar á efni til notkunar í meðferðarvinnu sem byggir á líkamsmiðaðri áfallavinnu með skjólstæðingum í meðferð. Ingibjörg mun þýða verkefnabók og flettisþjöld í samvinnu við Trauma Resilience Institute (TRI) sem er eigandi efnisins.
- Félagsráðgjafafélag Íslands, hlaut 1.500.000,- styrk vegna framleiðslu á heimildamynd um sögu Félagsráðgjafafélags Íslands sem frumsýnd var á Félagsráðgjafaþinginu árið 2024.
- Guðrún Kristinsdóttir, hlaut 750.000,- heiðursstyrk fyrir framlag sitt til félagsráðgjafar og rannsókna á sviðinu.

Fyrir hönd vísindanefndar,  
Guðrún Þorgerður Ágústsdóttir